



## Kòrsou

Bo dokter òf spesialisista por disidí pa mandabo Kòrsou pa konsulta òf tratamentu médiko. Ta hopi importante pa bo informá bo mes promé ku bo hasi bo biahe. Ta p'esei nos ta suplikábo tuma bon nota di kontenido di e foyeto aki. Si bo tin mas pregunta, gustosamente nos lo splikabu mas di un ke otro. Den e foyeto aki nos ta splikabo kon bo baimentu afó pa tratamentu médiko lo bai, esnan embolbí den esaki i ku ken bo mester tuma kontakto. ZVK ta atkirí kuido spesialisá na Kòrsou di un forma selektivo.

### Bo biahe

ZVK ta regla bo biahe sea ku kompanianan di aviashon òf via buelonan charter spesial. Den e foyeto “informashon tokante buelonan charter” bo ta haña mas informashon tokante bo biahe ku e avion di charter. ZVK ta traha un sita ku bo pa bo pasa na ofisina pa tuma bo dokumentunan di biahe i dokumentunan relashoná ku bo konsulta òf tratamentu.

### Estadia

ZVK lo regla hotèl ku tur facilidat hotelero pa bo den kaso ku ta nesario pa bo keda Kòrsou pa sigui risibí tratamentu. E hotèlnan aki ta disponé di tur komodidat pa hasi bo estadia unu konfortabel si akaso bo mester keda pa un tempu mas largu. Por ehèmpel, bañonan adaptá i kushina. Abo mes mester hasi un petishon pa esaki na ZVK, ku na su turno lo regla un ke otro pa bo. Esaki, dependiendo di disponibilitat. Si bo ta huntu ku un kompañó, e lo keda den mesun kamber ku bo. Indiká na ZVK si bo ta deseá un kamber di hotèl ku kama separá.

### Transporte

ZVK ta regla transporte pa buskabo na bo yegada na aeropuerto i pa hibabo bo sitanan i, di bo sitanan pa e lugá unda bo ta kedando. Abo mes por skohe pa riba bo propio gastunan bo tuma un taksi, hasi uso di transporte públiko òf hür un outo. Notifiká nos den kaso ku bo ke hasi uso di e transporte grátis ku ZVK ta regla pa bo. Tene kuenta si ku den kaso ku bo ke hasi uso di transporte grátis, bo mes mester bestèl esaki por lo ménos dos dia di antemano. ZVK ta regla tambe transporte spesial/médiko si esaki ta nesario. Transporte spesial (ròl-stul, etcetera.) ta sosodé na Kòrsou pa medio di Catharina Care Foundation of Stichting Revalidatie Centrum Curaçao (esaki den kaso ku tin ku keda den nan sentro di revalidashon),

### Kompensashon diario

Lo bo risibí un kompensashon diario pa gastunan di kuminda i bibida. E persona ku ta kompañábo tambe lo risibí un kompensashon diario. Si akaso bo tin ku keda pa tratamentu den Revalidatie Centrum Curaçao, abo ni bo kompañó lo no risibí e suma di kompensashon diario. Esaki komo ku kuminda, bibida i transporte ta wòrdu regla pa e sentro di revalidashon mes.

Numbernan di kontakto transporte na Kòrsou:

Rumba Tours

Telefòn: + 599 9 521 4179

+ 599 9 562 8619